

## I სტადიაზე წარმოსადგენი დოკუმენტაციის ჩამონათვალი:

- საკადასტრო მონაცემები და ამონაწერი საჯარო რეესტრიდან;
- მშენებლობის ნებართვის მაძიებლის იდენტიფიკაციის დამადასტურებელი დოკუმენტის ასლი ხოლო წარმომადგენლის მიერ განცხადების შეტანის შემთხვევაში – სათანადო რწმუნებულება;
- ნებართვის მაძიებლის მოთხოვნა მიწის ნაკვეთის/შენობა-ნაგებობის განვითარებასთან დაკავშირებით;
- მიწის ნაკვეთის ტოპოგრაფიული გეგმა არსებული მდგომარეობით (მასშტაბი 1:500 ან 1:1000);
- მიწის ნაკვეთის საკადასტრო გეგმა (საჭიროების შემთხვევაში, დამატებით საკადასტრო რუკა) დადგენილი მასშტაბით;
- მიწის ნაკვეთზე არსებული მდგომარეობის ამსახველი ფოტოსურათები;
- თვალსაჩინო ადგილას საინფორმაციო დაფის განთავსების დამადასტურებელი ფოტოსურათი;

### *კანონმდებლობით გათვალისწინებული სხვა დოკუმენტაცია:*

- **ტოპოგრაფიული კვლევა** - (კვლევის ჩატარება II-IV კლასის შენობა-ნაგებობის მშენებლობისას სავალდებულოა (გარდა ისეთი სახის რეკონსტრუქციისა, რომელიც საპროექტო ნაკვეთზე არ ცვლის ტოპოგრაფიულ სურათს).
- **არსებული შენობა-ნაგებობის ფიზიკური მდგომარეობის კვლევა** - (სავალდებულოა II-IV კლასის შენობა-ნაგებობის რეკონსტრუქციისას;
- **განაშენიანების კვლევა** - სავალდებულოა იმ შემთხვევაში, თუ შესაბამის მიწის ნაკვეთზე არ მოქმედებს განაშენიანების დეტალური გეგმა. ასეთი კვლევა ტარდება მიწის ნაკვეთის სამშენებლოდ გამოყენების პირობების დადგენის პროცესში;
- **დოკუმენტური კვლევა** - კვლევის საჭიროებას ცალკეულ შემთხვევაში შესაბამისი დასაბუთების საფუძველზე ადგენს ნებართვის გამცემი ადმინისტრაციული ორგანო;
- **მომიჯნავე შენობა-ნაგებობაზე ზეგავლენის კვლევა** - კვლევის ჩატარება სავალდებულოა, თუ შენობა-ნაგებობის მშენებლობა დაგეგმილია ჩამოყალიბებული განაშენიანებით შეზღუდულ პირობებში (ახალი მშენებლობისა და მზიდი ელემენტების რეკონსტრუქცია), III კლასის შენობა-ნაგებობის შემთხვევაში – სამშენებლო მოედნის 10 მეტრის რადიუსში, ხოლო IV კლასის შენობა-ნაგებობის შემთხვევაში – 20 მეტრის რადიუსში, ასევე სხვა ლეგიტიმური საფუძვლის არსებობისას, რათა გამოირიცხოს დაგეგმილი მშენებლობით მიწის ნაკვეთის მომიჯნავე შენობა-ნაგებობების კონსტრუქციების დეფორმაცია და დაზიანება;
- **საინჟინრო-გეოლოგიური კვლევა** - სავალდებულოა II-IV კლასის შენობა-ნაგებობის მშენებლობის შემთხვევაში. (საინჟინრო-გეოლოგიური კვლევის შინაარსი განისაზღვრება N255 დადგენილების მე-11 მუხლის შესაბამისად;

**შენიშვნა:** მიწის ნაკვეთის სამშენებლოდ გამოყენების პირობების დამტკიცების შესახებ განცხადება და არსებობის შემთხვევაში, თანდართულ დოკუმენტაცია ხელმოწერილი/დამოწმებული უნდა იყოს მისი შედგენის უფლებამოსილების მქონე პირის მიერ.